

左

通

補

釋

補釋十五

起襄公元年盡九年

錢塘梁履繩學

左通一

襄賓諸瓠丘解瓠丘晉地河東垣縣東南有壺丘

壺丘

案惠氏補注云壺與瓠通見詩七月傳

卽崤谷之北岸也亦曰陽壺寰

宇記曰古陽壺城

南臨大河今絳州垣曲縣

山西省東南陽

壺城是也

春秋地名攷略五

案晉城壺丘見韓子說林下

敗其徒兵於洧上解洧水出密縣東南至長平入潁

洧水出河南密縣

案縣屬開封府

馬嶺山又東過新鄭縣南卽晉

敗鄭徒兵處又昭十九年龍鬪于時門之外洧淵蓋古鄭

城在今新鄭縣治西北潦水在北洧水在南亦鄭環衛國

都之水也

大事表八上

晉長平在今西華縣

案縣屬陳州府春秋地名攷略六

侵宋呂畱呂畱二縣今屬彭城郡

呂畱卽宋之二邑呂縣漢置泗水至呂城積石爲梁故曰呂梁今呂梁城在徐州府治江蘇五十里中河分司駐焉畱

縣秦置張良遇漢高於此因封畱侯水經注濟水過沛縣東北又東南過畱縣北卽春秋呂畱也今屬徐州府爲運道所經大事表

鄭子然侵宋取犬丘譙國鄆縣東北有犬丘城迂迴疑釋文鄆縣才何反又子旦反

今亳州鄆縣東北犬丘城於南京爲近且接鄭境非迂迴也春秋分記疆理書三犬丘地不近鄭故杜以爲疑然是時楚方侵宋之呂畱鄭蓋爲楚取也漢爲敬丘縣後漢曰太丘陳寔

爲太丘長卽此今有太丘集在河南歸德府永城縣西北

三十里與夏邑接界大河經此東北流入碭山境

案碭山縣屬江

蘇徐州府鄧縣漢屬沛郡非蕭何所封也

春秋地名攷略十

案隱八

年衛之垂地亦名太丘應劭漢書地理志注引之以證沛
郡之敬丘云明帝更名太丘蓋地分屬衛宋故在衛爲垂
亦包太丘之目在宋則單稱太丘耳衛垂爲今山東曹縣
與歸德府北界相接知太丘非有兩地至沛郡之鄧非蕭
何所封之鄧高說亦未審予伯兄史記志疑卷十曾詳辨
之云高帝封蕭何在沛之鄧縣呂后封何夫人文帝封蕭
延武帝封蕭慶宣帝封蕭建世成帝封蕭喜並是南陽鄧
縣通兌州郡七注及索隱並言之古借鄧爲鄧字遂致混

亂漢志於南陽之鄧注侯國二字據後來改封書之而沛

郡鄧下不書侯國者國已除也周禮酒正注鄧白疏云蕭

何所封南陽地名臣瓊引茂陵書何封國在南陽鄧水經

注廿九鄧縣治故城南臨沔水謂之鄧頭漢高帝封蕭何

爲侯國師古云南陽鄧本春秋時陰國今爲襄州陰城縣

見昭九年傳縣有鄧城城西見有蕭何廟彼土又有筑水筑水

之陽古曰筑陽縣與鄧側近連接高后封何小子延爲筑

陽侯知何封鄧國兼得筑陽通典與顏同俱誤以蕭何封

南陽鄧爾漢志言王莽改沛鄧爲贊治隸釋沛相楊統碑

陰故吏贊陳俊惟借鄧爲鄧是以讀作贊音又直作贊字

非本音本字矣說文沛之鄧从邑盧聲南陽鄧从邑贊聲

班固十八侯銘文昌四友漢有蕭何序功第一受封于鄧
以鄧叶何更攷唐人諸詠楊巨源詩麒麟閣上識鄧侯賈
島長江集有往歲鄧侯鎮句姚合少監集有鄧侯宅過謙
句此沛鄧音嵯之證故以蕭之封在沛者自續郡國志始
索隱因之唐劉肅大唐新語因之以蕭初封沛續封南陽
者自通典所引戴規始索隱因之元熊忠古今韻會因之
明郎瑛七修類彙因之以南陽鄧音贊者自說文始孟康
師古因之張守節正義稱孫檢因之宋董衡新唐書釋音
因之以沛鄧音嵯者亦自說文始應劭師古孫檢因之

南齊鄧誕生同若夫以南陽鄧音嵯者則周禮酒正疏及釋文也
以沛鄧音贊者文穎何傳注也以沛鄧兼二音者左傳襄

元年犬丘注譙國鄧縣釋文及師古高紀地志注也皆不足信唐李匡乂資暇錄宋宋祁筆記陸游老學菴續筆記王楙野客叢書王觀國學林明人如楊慎丹鉛錄焦竑筆乘方以智通雅陸容菽園雜記近時如新城王氏士禎池北偶談居易錄之類大抵仍襲前儒之說而辨之不甚明至小司馬於將相表蕭世家據鄒氏謂屬沛音嵯南陽音贊其音不謬而於功臣表三王世家不但二音互易復以劉氏伯莊謂何封沛後封南陽爲非奚自岐別乎

衛子叔解剽子叔黑背子

據子叔黑背成十穆公之子定公之弟是生公孫剽則剽乃定公弟之子穆公之孫史記以剽爲定公弟誤也

春秋分
記世譜

襄二萊人使正輿子賂夙沙衛見六年傳正輿子萊大夫見六年傳夙沙衛齊寺人

正輿子字子馬

荀子堯問篇注

複姓齊有夙沙衛神農時夙沙氏

之後

見呂氏春秋用民篇廣韻沙字注

案荀子云萊不用子馬而齊并

之說苑正諫篇作子猛蓋聲轉耳晉語九鼓子之臣曰夙
沙釐後漢書馬融傳注引魯連子曰古善漁者宿沙渠子
亦卽以古國爲氏宿與夙通

與頌琴解頌琴琴名猶言雅琴皆欲以送終

顧渭咫聞錄曰頌琴明器之屬卽旣夕有燕樂器周官厥
樂器檀弓琴瑟張而不平是也讀禮通考九十七

故晏弱城東陽以逼之解東陽齊竟上邑

齊東陽今山東青州府臨朐縣東有東陽城晉魯俱有東
陽襄二十三年齊侯伐晉趙勝帥東陽之師以追之爲晉
地哀八年吳伐我克東陽而進爲魯邑

大事表六下

遂城虎牢鄭人乃成

春秋傳曰制嚴邑也虢叔死焉卽東虢也魯襄公二年七
月晉悼公與諸侯會于戚遂城虎牢以逼鄭求平也蓋修

故耳

水經河
本五注

襄
三被練三千甲被練練袍

被練若今輶纊之類

春秋分記
征伐書二

遂遇心疾而卒解憂恚故成心疾

汪瑜曰靈樞經藏府病形篇云愁憂恐懼則傷心
公稽首私稽首稽首至地止義周禮九拜一曰稽首諸侯事天
子之禮也

稽首拜中最重臣拜君之拜案哀十七年公會齊侯盟于
蒙孟武伯相齊侯稽首公則拜齊人怒武伯曰非天子寡
君無所稽首襄三年公如晉孟獻子相公稽首知武子曰
天子在而君辱稽首寡君懼矣孟獻子曰以敝邑介在東
表密邇仇讎寡君將君是望敢不稽首郊特牲曰大夫之
臣不稽首非尊家臣以避君也如是相禮諸侯于天子臣
于君稽首禮之正然諸相於大夫之臣及凡自敵者皆當
從頓首之拜也如是差之君拜臣下當從空首拜其有敬

事亦稽首故大誓云周公曰都懋哉予聞古先哲王之格言以下大子發拜手稽首是其君子臣稽首事洛誥云周公拜手稽首朕復子明辟成王拜手稽首不敢不敬天之休者此卽兩相尊敬故皆稽首周禮春官大祝疏餘詳僖廿三年

乃盟於耏外解形水名

時卽耏水也音而春秋襄公三年齊晉盟於耏者也京相璠曰今臨淄唯有濱水西北入沛卽地理志之如水矣耏如聲相似然則濱水卽耏水也蓋以濱與耏合得通稱矣

水經賦子水注

餘已見莊九年乾時下

赤也可赤職之子伯華昭五年解伯華叔向兄

晉太康地記云銅鞮晉大夫羊舌赤之邑世號赤曰銅鞮

伯華

案銅鞮見成九年史記仲尼弟子列傳集解

公會單頃公

解

單頃公王卿士

單頃公襄公之子

杜氏世族譜

同盟于雞澤齊雞澤在廣平曲梁縣西南

今曲梁故城在直隸廣平府治永年縣東北卽國語所謂

雞丘若今雞澤縣乃隋析廣平縣所置非春秋時雞澤也

大事表
七之三

晉侯使荀會逆吳子于淮上

此淮上當在臨淮泗州之境

春秋地名攷略十一案今安徽鳳陽府鳳陽縣有臨淮

鎮泗州亦

隸安徽

陳成公使袁僑如會解袁僑濤塗四世孫

轅僑桓子

杜氏世族譜

晉侯使和組父

堯時掌天地之官和仲和叔因以爲氏晉有和組父

通志氏族

和組父雍子

高氏左傳姓名同異攷二見襄廿六年高氏以爲一人

案雍子故楚未知所據

無失也

爲我執之勿失

國語晉七注

其將來辭

辭陳其辭狀

晉語七注

授僕人書

解

僕人晉侯御僕

周禮御僕掌羣吏之逆及庶民之復鄭司農云逆謂受下

奏復謂奏事魏絳以書授之是受下奏蓋掌逆也則僕人

其周禮之御僕矣

春秋分記職官書二

軍事有死無犯爲敬解守官行法雖死不敢有違

有死其事無犯其令是爲敬命

國語晉語七注

案晉語韓獻子爲

司馬趙孟使人以其乘車干行獻子執而戮之宣子召而

禮之曰夫軍事無犯犯而不隱義也

惠氏補注三

臣敢不敬

敢不敬奉其職

晉語七注

反役與之禮食解羣臣旅會今欲顯絳故特爲設禮食

反役自役反也禮食公食大夫之禮

晉語七注

士富爲候奄解士富士會別族

晉語曰使范獻子爲侯奄韋昭曰獻子范文子之族昆弟士富也是范氏有兩獻子矣

惠氏補注三

晉語曰使范獻子爲侯奄韋昭曰獻子范文子之族昆弟士富也是范氏有兩獻子矣

惠氏補注三

四 猶在繁陽

春秋

楚地在汝南飼陽縣南

繁陽在河南汝寧府新蔡縣北

春秋

文王帥殷之叛國以事紂

周書程典曰維三月旣生魄文王合六州之侯奉勤于商

孔晁曰三分天下有其二以伏事殷也

惠氏補注三

金奏肆夏之三不拜工歌文王之三又不拜

文四年甯武子聘魯公與之宴賦湛露形弓不辭又不答賦以爲肄業及之婉其辭以規魯之僭也穆叔之不拜蓋見甯武子以此施於魯遂以施於晉也

熊氏經說三

答難爲謀解問患難

杜爲患難毛爲難易不同然患難之事亦須訪其難易理亦不異

詩皇皇者
革正義

公請屬鄆解鄆小國也欲得使屬魯如須句顓臾之比使助魯出貢賦公時年七歲蓋相者爲之言

王制云五國以爲屬屬有長十國以爲連連有帥王制雖殷法周諸侯之數與殷同明亦十國爲連此詩周事有連率之文左傳曰晉侯享公公請屬鄆是亦有連屬詩旄上序正義無終子嘉父解無終山戎國名

無終山戎之國今爲縣在北平子爵也嘉父名也

國語晉語七注

玉田漢無終縣漢書地理志故無終子國涇水西至雍奴

入海史記項羽封韓廣爲遼東王都無終後漢書吳漢將二十騎先馳至無終韋昭國語解無終今爲縣在北平水經鮑王注藍水出北山東屈而南流逕無終縣故城東故

城無終子國也魏土地記曰右北平城西北百三十里有

無終城無終之爲今玉田無可疑者案玉田縣屬直隸遵

終國在縣治西卽山戎所曰北戎史記匈奴列傳正義引括地志云幽州漁陽縣本北戎無終子國漁陽縣今爲順

天府密雲縣蓋戎地也然左傳襄公四年無終子使孟樂如

邊闢兼入密雲境也然左傳襄公四年無終子使孟樂如

晉請和諸戎昭公元年晉中行穆子敗無終及羣狄于大

原漢書樊噲傳擊陳豨破得綦毋印尹潘軍於無終廣昌

則去玉田千有餘里豈無終之國先在雲中代郡之境而

後遷于右北平與左傳正義曰釋例土地名以北戎山戎

無終三名爲一北平有無終縣太原卽

太原郡晉陽縣是也計無終在太原東北二千餘里遠就來也與晉戰不知其何故也蓋與諸戎近晉者相率而

諸華必叛解諸華中國閏元年正義有文章之華也定十年

冕服采章曰華書武成傳冕服采章對被髮左衽則爲有光華也又正義諸夏本亦名諸華夏大也以其中國有禮義之華可嘉大也詩荅之華正義

有窮后羿解

解有窮國名

蔡傳窮國名當引水經河水
注在平原郡鬲縣今德州安
德縣也尚書古文疏證六下案安德縣據今一統志表爲山東濟
南府所領陵縣鬲縣爲今德州平原郡爲今平原縣高氏

春秋地名攷略云在英山縣境英山屬安徽六安州遠疑后羿自鉏遷于窮石解鉏羿本國名

金仁山前編晉魏絳曰昔有夏方衰后羿自鉏遷于窮石注云鉏在今澶州衛南縣卽元和郡縣志故鉏城在滑州衛南縣東十五里左氏后羿本國是也又云窮石不知所在闕疑最是蓋時夏都安邑鉏去夏都僅千里計窮石又近於安邑方能因夏民以代夏政若如朱子注離騷夕歸次於窮石今云窮石山名在張掖卽后羿之國則去夏都三千里遠在西北天一隅縱恃其射豈能及夏朱子蓋見王逸引淮南言弱水出于窮石入于流沙遂傳會此窮石爲后羿所遷不知當別有窮石爲國名者但不可攷論語

集注羿有窮之君與孔安國注同只渾淪言之得之矣石窮

卽羿國洪興祖已然晉地記云河南有
窮谷蓋本有窮氏所遷四書釋地有鉏本國名卽宋城

鉏也今滑縣東十五里有鉏城宋縣屬河南衛輝府春秋地名攷略

恃其射也卽羿善射正義賈逵云羿之先祖世爲先王射官

故帝譽賜羿弓矢使司射云云

帝王紀云帝羿有窮氏未聞其姓何先帝譽以上世掌射正至譽賜以彤弓素矢封之於鉏爲帝司射歷虞夏羿學射於吉甫其臂長故以善射聞史記夏本紀正義有窮后羿慕羿射故號此名也山海經海內經郭璞注

而用寒浞解寒國北海平壽縣東有寒亭

寒浞者猗姓寒浞傳路史後紀潛夫論有猗姓括地象云過猗姓

國是也世本以寒爲郊姓國者失之又注今山東萊州府濰縣東北三十里有寒亭

大事表五

家衆殺而享之正義孟子云逢蒙學射於羿盡羿之道思天下唯羿爲愈已於是殺羿則殺羿者逢蒙也

羿死於桃棓淮南註言訓棓大杖以桃木爲之以擊殺羿由是

已來鬼畏桃也

又注

案說山訓云羿死桃部注桃部地名

與此異疑許慎高誘各爲一義道藏本不復分別遂并存

之爾路史夷羿傳云龐門取桃棓殺之則杖爲是

靡奔有鬲氏解靡夏遺臣事羿者有鬲國名今平原鬲縣

有鬲今平原縣顧氏曰今德平縣

案大事表五云今山東濟南府德平縣東十里

有故南城司馬彪曰鬲侯國夏時有鬲君滅浞立少康應劭曰

鬲偃姓咎繇後也

案趙一清水經河水五注釋全氏曰有鬲氏當是夏之同姓應氏以爲偃姓恐

非然則此地當后相八歲寒浞殺羿靡來奔時正爲臯陶

之孫有鬲氏國豈得羿舊國于此使非鬲君忠於夏安敢

納夏之遺臣乎抑非鬲君與靡協力同心靡安能自其國

遽收斟二國之燼以滅浞而立少康乎善夫張宣公曰若

靡者可謂忠之盛矣

見困學紀聞六

予則謂若鬲君者益可謂忠

之盛矣亟須表著之以爲萬世人臣之標準靡也鬲君也

有仍與虞思及夏衆也皆大有功於祀夏配天復禹之績

者也

四書釋地又續

浞因羿室解就其妃妾

浞乃烝取羿室純狐

路史後紀夷羿傳

純狐羿妻名天問云浞娶

純狐眩妻爰謀

又注案王逸注言泥娶於純狐氏不云是羿妻

滅斟灌及斟尋氏解二國夏同姓諸侯仲康之子后相所依樂安壽光縣東南有灌亭北海平壽縣東南有斟亭

今斟灌城在山東壽光縣東北

青州府斟尋城在山東濰縣

西南

萊州府日講春秋解義三十七

處澆于過處釐于戈解過戈皆國名東萊掖縣北有過鄉戈在宋鄭之間

過夏之國卽有過括地象云猗姓國路史國

名紀六

戈斟姓是爲

斟戈

高陽氏後國名紀

三今山東萊州府掖縣北有過鄉

大事表五

失人故也正義武羅伯因熊羆龍圉本羿弃之泥亦不用失人是國之大患故言之以規悼公也

公伐戎之云必虞公于田者啟之故絳述羿事歸重失人

沈氏
小疏

昔周辛甲之爲大史也

解辛甲周武王大史

劉向別錄曰辛甲故殷之臣事紂蓋七十五諫而不聽去

至周召公與語賢之告文王文王親自迎之以爲公卿封

長子

史記周本紀集解

案漢書藝文志道家有辛甲二十九篇

是也

民有寢廟獸有茂草

民有寢以安其生有廟以祀其死獸有茂草以棲其形

林氏

解句

戎狄荐居解荐聚也正義釋言云荐再也孫炎云荐草生之

再也卽荐是聚也服虔云荐草也言狄人逐水草而居徙無常處劉炫案莊子云麋鹿食荐見齊物論本作薦卽荐是草也服言是

案古字荐薦通漢書終軍傳北胡隨畜薦居蘇林云薦草也顏師古注援此傳文曰薦讀曰荐荐屢也言隨畜牧屢易故居不安住也陸氏附注二案晉語七作戎狄薦處卽荐居也韓非子內儲說上云猶獸鹿也唯薦草而就漢書景德紀注如淳曰莊周云麋鹿食薦一曰草稠曰薦深曰莽

義皆可通

貴貨易土土可賈焉解易猶輕也

國語曰予之貨而獲其土

顧氏補正中

敗於狐駘解狐駘邾地魯國番縣東南有目台亭

哀二十七年越子使舌庸來聘言邾田封于駘上卽此今
狐駘山在山東兗州府滕縣東南二十里

大事表
七之二

國人逆喪者皆髽魯於是乎始髽解髽麻髮合結也遭喪者
多故不能備凶服髽而已正義鄭衆以爲枲麻與髮相半結

之云云

鄭氏釋喪大記曰去纏大紩曰髽釋喪服曰髽露紩也猶
男子之括髮斬衰括髮以麻則髽亦用麻以麻者自項而
前交於額上卻繞紩如著帽頭焉蓋其所傳然也其狀則
毋從從爾不至於縱而高也毋扈扈爾不至於卑而大也
爾雅曰卑而大扈則從從爲縱而高可知也小斂主人括

髮袒衆主人免于房婦人髽于室奔喪男子束括髮婦人東髽又小記曰男子免而婦人髽則婦人之髽猶男子之括髮免也故括髮以麻則髽以麻矣免而以布則髽以布矣髽以麻則斬衰也髽以布則齊衰也小斂齊之髽不言笄則未成服之髽無笄矣女子子適人者爲其父母婦爲舅姑惡笄有首以髽孔子言髽而繼之以榛笄則成服之髽有笄矣又儀禮言髽衰三年小記言齊衰惡笄以終喪則斬衰齊衰之髽皆終喪矣孔穎達曰常服之髽不用麻布然則啟殯之髽雖在成服之後蓋亦無笄以對男子之袒而免故也男子之袒免及於五世婦人之髽不及於大功者以髽不特對免而又上同於括髮故也禿者不髽以疾也弔者不髽

以疏也皇氏以麻髽布髽露紱爲三髽然則髽雖麻與布之不同其爲露紱一也

禮書百四十九

朱儒是使解臧紱短小故曰朱儒釋文朱儒木或作侏

侏儒短人也

禮記王制注

侏儒謂容貌短小案晉語云侏儒扶

廬注云扶持也廬載柄也

又正義晁注本與韋昭異

案此疑孔

案侏儒

本短柱鄭氏明堂位注謂卽榦也故以況短人初學記人部下引古夢書曰凡夢侏儒事不成舉事中止後無名百姓所笑人所輕頗與傳義合

襄五吳子使壽越如晉解壽越吳大夫

壽氏姬姓風俗通吳王壽夢之後吳大夫壽越又有壽於

姚志氏族略四通十三

案吳子乘號壽夢卒於襄十二年此云

壽夢之後乃先吳壽夢也詳見襄十九年駁證

會吳于善道解善道地闕

善道公羊穀梁皆作善稻范甯云吳地阮勝之南兗州記
云盱眙本吳善道地秦置盱眙縣項羽尊楚懷王爲義帝
都盱眙許慎曰張目爲盱舉目爲眙案說文云
眙直視也城居山上
可以矚遠故曰盱眙屬泗州安微至今因之

春秋地名
攷略十一

我心局局解局明察也

釋訓斤斤察也斤斤又通作局局

邵氏爾雅正義四

會于城棣以救之解城棣鄭地陳畱酸棗縣西南有棣城

寰宇記有南棣城北棣城在陽武北十里二棣城之間有
博浪沙亭卽子房擊始皇處陽武縣今屬開封府案
索縣今改屬懷

慶府
表七之二
大事

襄子罕善之如初解言子罕雖見辱不追忿所以得安

正義

服虔云言子罕不阿同族亦逐樂轡以正國法忠之至也及樂轡射其門畏從華弱之罰復善樂轡如初是爲茹柔吐剛喪其志矣云云

陸氏謂服虔此論優於杜愚以爲轡以子罕言已於君而逐之故以此志其忿子罕善之於其奔後若趙盾於賈季子產於豐卷等耳且轡已出亡何吐剛之有

傅氏辨誤上

堙之環城傅於堞解堞女牆也堙土山也周城爲土山及女

牆

兵法攻城築土爲山以覬望城內謂之距堙

書費晉正義孫子

謀攻篇曰攻城之法修櫓轡三月而後成距堙杜牧曰

距堙者踊土稍高而前以附其城也

案太平御覽兵部四十八引孫子作距闥

曹注距闥踊土積高而前以附其城也淮南子兵略曰設渠塹傳堞而守

惠氏補注

三

及杞桓公卒之月乙未解此年三月

杞桓公卒之乙未此年三月十五日也

杜氏經傳長歷

棠人解棠萊邑也北海卽墨縣有棠鄉

襄十八年齊侯駕將走郵棠或言卽萊棠也今山東卽墨

案縣屬萊州府南八十里有甘棠社卽古棠鄉春秋地名華玉攷略十四江

淳曰登萊之地斗入海中三面皆海故海州蘇雖在登萊西南而已瀕海齊未滅萊棠之前其東北境亦瀕于海所

以得魚鹽之利然則管仲對楚使云東至于海亦非虛誇

也

大事表
附錄

丁未

丁未此年三月二十七日也

杜氏經傳長歷

陳無宇解桓子陳完玄孫

公子完

敬仲

子穉

孟夷

子潛

孟莊

子須無

文子

子無字

桓子

分記

春秋世譜二

案此特本史記余疑無字不應與父同名故杜氏不言是文子之子當別有所出

襄七叔仲昭伯解叔仲惠伯之孫

惠伯之孫叔仲帶叔仲昭子卽叔仲虺

杜氏世族譜

叔仲帶叔

仲皮子

高氏姓攷一

詳文七年襄卅年

公族穆子有廢疾

廢疾謂廢於人事疾病若今廢不可事者也

周禮地官族師疏

公登亦登解禮登階臣後君一等

正義聘禮云云

韓非子載穆叔語曰今子不後寡君一等

難篇

是其證也

惠氏補注三

會于鄆以救之

解鄭地

鄭處誨曰鄆魯山地名屬汝州

河南碩記十一管城

又與子豐適楚解子豐穆公子

子豐公子平穆公子

杜氏世族譜

案通志氏族略三云鄭公

子去疾字子豐後爲豐氏攷宣四年傳穆公庶子子良名去疾乃以爲子豐名誤已曲阜孔廣栻鈔本世族譜云乎

豐公子去疾弟穆公之子與殷本異疑氏族略脫弟字及鄭解鄭地

盟會圖疏云鄭侯國在慈州鄭伯卒處鄭地杜闕路史國名紀七

案慈州今爲山西平陽府吉州遠疑管城碩記十云世本唐叔虞居鄂宋衷曰鄂地今在大夏括地志故鄂城在慈州昌寧縣東二里鄭鄂字近而譌路史妄引之

子駟使賊夜弑僖公而以瘧疾赴于諸侯

使廚人藥殺釐公赴諸侯曰釐公暴病卒

史記鄭世家

慶虎慶寅解二慶陳執政大夫

慶氏慶虎桓公五世孫慶寅

杜氏世族譜

八
裏唯子產不順解子產子國子

成子子產之謚鄭穆公之孫子國之子也

國語晉語八注

鄭公孫

僑字子產說文僑高也爾雅釋詁喬高也釋樂大磬謂之
磬大管謂之簎大籥謂之彥是僑與產皆長大也漢書馮

奉世傳馮逡

讀若俊

字子產後漢書宦者傳鄭衆字季產家

語後序孔最字子產其意皆爲大也一字子美者說文云
美从大則美亦大也

周秦名字解故上

國有大命而有正卿童子言焉將爲戮矣

解大命起師行軍之命

荀卿子引詩云國有大命不可以告人妨其躬身

臣道篇故

云言將爲戮

惠氏補注三

餘詳定十三年犯解

子蟻解子游子

公孫𧔗司馬子蟻桓子

杜氏世族譜

說文𧔗毒蟲也蕭該漢書

朱博傳音義引呂靜韻集云蟻毒蟲也案蟻卽𧔗以其尾之天蟻上曲故謂之蟻齊公孫𧔗字子尾其意一也公羊

氏作公孫𧔗假借字耳

周秦名字解故下

子展

解子罕子

子展公孫舍之桓子

杜氏世族譜

侯河之清人壽幾何

解言人壽促而河清遲喻晉之不可待

京房易傳曰河千年一清

文選張平子思玄賦注

案今本易傳無此文河水性

濁清則難得易緯云王者太平嘉瑞之將出則河水先清

詩伐檀正義

易乾鑿度曰天降嘉應河水先清三日清變爲白

白變爲赤赤變爲玄玄變爲黃各三日王子年拾遺記曰

丹王千年一燒黃河千年一清皆至聖之君以爲大瑞

徐堅

等初學記
地部中

杖莫如信

釋文

杖直亮反

民無信不立故以杖爲喻猶禮記所云忠信甲胄之義

周氏

附論案如吾師說則杖如字讀蓋廣韻祇作直兩切無去

聲後人因杖有仗義而仗字本上去兩音遂致杖分清濁

音辨清濁內無杖字其實義得並通也熊氏韻會舉要去聲漾韻注

云案說文杖持也直向切書左杖黃鉞去聲則杖執之杖

當在此又案集韻去聲杖字注所以扶行也引周禮共其

杖函則凡杖之杖當在此宜援毛氏有音無音二音三音

皆當通押之例

如匪行邁謀是用不得于道解匪彼也行邁謀謀於路人也不得于道衆無適從正義鄭玄以匪爲非如非行邁之謀言止而不行坐圖遠近也杜以如者相似他物故以匪爲彼云

云

案詩上文云謀夫孔多是用不集發言盈庭誰敢執其咎則杜解爲長古人有以匪字作彼字用者二十七年引詩彼交匪教作匪交匪教顧氏補正中詳成十四年攷異

駢也解駢子駢名

車駕四馬在內兩馬謂之服在外兩馬謂之駢春秋時鄭有公子駢字子駢是有駢乃成駢也詩小戎正義案程氏世譜四云駢公穀

駢解駢字子
作斐據字子

使王子伯駢告于晉解伯駢鄭大夫

伯駢王子伯廖之子

伯廖見宣六年左傳姓名同異攷一

高氏

不皇啟處解啟跪也

啟跪處安也

淮南脩務訓注

九襄樂喜解子罕也

案世本戴公生樂甫術衛生石甫願繹繹生夷甫領領生

東鄉克克生西鄉士曹曹生子罕喜是子罕爲術之五世

孫也

禮記檀弓下正義注子罕宋戴公六世孫

案淮南精神訓

西鄉士之子

案唐書宰相

世系表樂呂孫喜喜生司城子罕此傳寫之譌通志氏族

略云樂莒孫喜字子罕是也

莒卽呂詳攷異

今據世本子罕爲東

鄉克之孫豈克與呂莒字相近而東鄉其食邑耶或曰宋

立四鄉立官分掌本傳有四鄉正可證知克爲東鄉正士
曹爲西鄉正以官稱之爾氏族略三云宋大夫東鄉爲人
又引風俗通宋大夫西鄉錯

餘見文十八年

火所未至徹小屋塗大屋解大屋難徹就塗之

師古曰恐火及之故徹去大屋難徹故以泥塗之令火至
不可焚漢書五行志上注徹去小屋使有隙地與大屋不相比連

則火道易斷既云小屋則葺屋居多茅草畏火故徹之大
屋爲瓦屋故塗以辟火葺屋瓦屋本考工記下云積土塗卽備塗屋

之用

周氏附論

備水器

解益器之屬

師古曰營甕之屬也許氏說文解字曰營備火今之長頸

五行志
上注

卷之十五

三

蓄水潦積土塗

師古曰蓄謂障遏聚之也潦行潦也塗泥也

五行志
上注

水能

滅火土亦能覆火也

梁氏儀禮經傳通解三十九補注

使樂適庀刑器

過樂得昆弟

得見哀廿六年
秋分記世譜三
春

使皇鄭命校正山馬解皇鄭皇父充石之後正義服虔云爲人之子大司馬椒也

鄭世族譜瑗從父昆弟

璿見哀七年
秋分記世譜三
春

案鄭之父爲人

卽氏族略三所云宋大夫東鄉爲人也別有向爲人見成

五年

祝宗用馬于四墉解祝大祝宗宗人墉城也用馬祭于四城以禳火

殷制天官先六大四曰大祝主天地鬼神之事又二曰大宗鄭氏曰周則大宰宗伯皆爲六官蓋殷以大宗爲大宰之屬所以明其爲殷制也主天地鬼神之事

春秋分記職官書三唐

乾元二年八月縉雲縣城隍廟記跋云城隍之神不見於

古左傳祝宗用馬于四墉又曰祈于四鄘

昭十

杜氏以爲

墉城也城隍之有祀也其濫觴於斯乎北史慕容儼鎮郢城城中先有神祠一所俗號城隍神隋書五行志梁武陵王紀祭城隍神將烹牛忽有赤蛇繞牛口祀城隍神始見於此至唐而益盛故張說有祭城隍之文杜子美有賽城

隍之句然猶不列於祀典少溫記文可證也歐陽公跋云
今天下皆有而縣則少是宋之城隍祠又盛於唐而縣猶
不皆有祠明洪武初從禮臣之請加以封爵京都城隍曰
昇福明靈王府曰威靈公州曰靈佑侯縣曰顯佑伯未幾
詔去封爵祇稱某處城隍之神京都歲遣太常寺堂上官
行禮諸府州縣則守令主之而祀典通於天下矣

錢大昕
潛研堂

跋金石文
跋尾四

祀盤庚于西門之外

宋城門皆有名獨西門無名水經水注睢陽城西門卽寇
先鼓琴處先好釣居睢水旁宋景公問道不告殺之後十
年止此門鼓琴而去

春秋地名略十本漢書

西方爲少陰律歷志祀于

西門外者亦取陰能制火也

周氏附論

古之火正或食於心或食於昧以出內火是故昧爲鶉火心爲大火解謂火正之官配食於火星建辰之月鶉火星昏在南方則令民放火建戌之月大火星伏在日下夜不得見則令民內火禁放火正義周禮司爟掌行火之政令季春出火民咸從之季秋內火民亦如之鄭玄云火所以用陶冶民隨國而爲之鄭司農云以三月本時昏心星見於辰上使民出火九月本黃昏心星伏在戌上使民內火故春秋傳曰以出內火周禮所言皆據夏正云云

心星則大火辰星是也三月諸星復在本位心星本位在卯三月本之昏心星始時未必出見卯南九月本始之黃

昏心星亦未必伏在戌上皆據月半後而言周禮夏官說

司爟疏

說

曰古之火正謂火官也掌祭火星行火政季春昏心星出
東方而昧七星鳥首正在南方則用火季秋星入則止火
以順天時救民疾帝嚳則有祝融堯時有閼伯民賴其德
死則以爲火祖配祭火星故曰或食於心或食於昧也

漢書

五行志上據漢書是二火俱有出內也下文因宋故獨言大火
附陸氏注二臣召南案據此則閼伯主辰是食於心者其食於
昧卽祝融也鶉火爲南方正位其帝炎帝其神祝融柳星

張爲周分野是祝融食於昧之明證孔疏謂火官配食其
人蓋多不知誰食於心誰食於昧豈祝融閼伯二人外別
有火祖耶左傳考證案夏小正九月內火內火也者大火大

火也者心也主夫出火主夫也者主以時縱火也

金氏仁山曰夫

當作火則出內火並在季秋與周禮說異先儒不辨俟攷汪

繩祖曰禮記郊特牲亦云季春出火夏小正文多錯簡主

夫云云疑當在前三月參則伏文下無錫安吉夏時攷曰

內火者火正季秋內火也傳以內火爲大火然八月辰則

伏火旣伏矣而又言內無乃贅乎故知內火非謂大火也

又案主夫出火三月經文也讀左傳火正出內火可知也

出火內火有天星有王政以天星而言則堯典星火小正

五月火中幽風流火左傳味爲鶉火心爲大火周禮鄭注

火星以春出以秋入皆謂天星也以王政言則周官之季

春出火季秋內火卽本夏小正之出火內火小正之出火

內火卽本陶唐火正之出內火故戴傳曰主夫也者主以時縱火也皆謂王政而非言天星也戴傳旣以出火爲縱火則內火非言天星可知矣而猶以內火之火爲心星蓋不知主夫出火爲三月經文故也爾雅曰大火謂之大辰大辰房心尾也八月辰則伏九月辰繫于日辰卽火也心也心旣伏且繫于日矣則內火非天星可知矣內火出火皆言王政則季秋非出火之時其爲三月經文無疑矣

陶唐氏之火正闕伯居商丘解闕伯高辛氏之子傳曰遷闕伯于商丘主辰辰大火也今爲宋星然則商丘在宋地釋例宋商商丘三名一地梁國睢陽縣也

商丘今爲河南歸德府之商丘縣今城西南有商丘周三

百步世稱闕臺

大事表
七之二

相上因之故商主大火解相土契孫商之祖也始代閼伯之後居商王祀大火正義周禮保章氏以星土辨九州之地所封封域皆有分星

云云

易氏曰在諸侯則謂之分星在九州則謂之星土昭十年有星出于婺女鄭裨竈曰今茲歲在顓頊之虛姜氏任氏實守其地釋者以顓頊之虛爲玄枵此玄枵爲齊之分星而青州之星土也昭三十二年吳伐越晉史墨曰越得歲而吳伐之必受其凶釋者以爲歲在星紀此星紀爲越之分星而揚州之星土也昭元年鄭子產曰成王滅唐而封太叔焉故參爲晉星實沈爲參神此實沈爲晉之分星而

并州之星土也襄九年晉士弱曰陶唐之火正閼伯居商丘相土因之故商主大火此大火爲宋之分星而豫州之星土也昭十七年星孛及漢申須曰漢水祥也衛顓頊之虛也故爲帝王其星爲大水此娵訾爲衛之分星而冀州之星土也襄二十八年春無冰梓慎曰歲在星紀而涇於玄枵蛇乘龍龍宋鄭之星也此壽星爲鄭之分星而亦豫州之星土也鄭語周史曰楚重黎之後也黎爲高辛氏火正此鶉尾爲楚之分星而荊州之星土也爾雅曰析木謂之津釋者謂天漢之津梁爲燕此析木爲燕之分星而幽州之星土也以至周之鶉火秦之鶉首趙之大梁魯之降婁無非以其州之星土而爲其國之分星所占災祥其應

不差陳氏曰先儒謂古者受封之日歲星所在之辰其國屬焉觀春秋傳凡言占相之術以歲之所在爲福以歲之所衝爲災故師曠梓慎裨寵之徒以天道在西北而晉不害歲在越而吳不利歲涇玄枵而宋鄭饑歲弃星紀而周楚惡歲在家辛而蔡禍歲及大梁而楚凶則古之言星次者未嘗不視歲之所在也

張永祚

天象原委

二十

案王

士禛居易錄

廿八

云分野

之說

予常疑之近見黃太沖宗羲文集辨之甚晰路史星次說一篇固先之矣文多不具錄其最與予說合者如云春秋戰國地每遷變三晉未分晉果何分秦拔西河魏當何屬周既東西何都而直鵠火陳滅于楚何自而八韓分云云終云要以九州之分爲正此爲直截不易之論費直蔡邕皇甫謐紛紛支離牽合之談皆可廢矣

遇艮之八解周禮大卜掌三易然則雜用連山歸藏周易二易皆以七八爲占故言遇艮之八王義周易之爻唯有九六

此筮乃吉遇艮之八二爻皆以七八爲占故此筮遇八爲艮之第二爻不變者是八也云云

杜子春云連山宓戲歸藏黃帝周禮春官就易文卦畫七

大卜注

卦畫七

八爻稱九六用四十九蓍三多爲交錢六爲老陰也三少

爲重錢九爲老陽也兩多一少爲單錢七爲少陽也兩少

一多爲坼錢八爲少陰也夏殷易以七八不變爲占周易

以九六變者爲占案襄九年左傳云穆姜薨於東宮始往

而筮之遇艮之八注云爻在初六九三六四六五上九惟

六二不變連山歸藏之占以不變者爲主惠氏云

是服注但周易

占九六而云遇艮之八是據夏殷不變爲占之事杜子春

云連山宓戲歸藏黃帝者鄭志荅趙商云非無明文改之

無據且從子春近師皆以爲夏殷也

又疏

案易乾鑿度曰陽

動而進陰動而退故陽以七陰以八爲彖易一陰一陽合而爲十五之謂道陽變七之九陰變八之六亦合於十五

則彖變之數若之一也鄭康成注云彖爻之不變動者九六爻之變動者繫辭曰爻效天下之動也然則連山歸藏占彖本質性也周易占變者效其流動也彖者斷也如鄭

此言連山歸藏占彖故下文雖引周易仍用二易以彖爲

占

晉語曰公子筮之得貞屯悔豫皆八也筮史占之皆曰吉開而不通爻無爲也蓋以不變爲占故云爻無爲

也司空季子曰是

在周易皆利建侯又董因曰臣筮之得泰之八日是謂天地配亨小往大來是雖用周易而仍古

彖夏殷之法也

惠氏補注三

隨其出也解史謂隨非閉固之卦

虞翻注易隨卦曰隨陰隨陽謂隨卦三陰皆隨陽故卦名

隨陰隨陽猶母隨子故隨其出也

惠氏補注三

君必速出

君國小君

詩鵲之奔奔傳

夫人對君稱小君以夫妻一體言之亦

得曰君左傳筮穆姜曰君其出乎是也

又正義

案上云其

出也遂攝引之

元體之長也亨嘉之會也利義之和也貞事之幹也體仁足以長人嘉德足以合禮利物足以和義貞固足以幹事正義與周易文言正同彼云元者善之長此云體之長彼云嘉會足以合禮此云嘉德唯二字異耳

先儒皆以文言爲夫子十翼之第七唯梁武帝云文言文

王所制

見文釋

余獨取之故鄭氏易謂之文言傳蓋何謂也

已下卽孔子所爲之傳穆姜因史據周易特引文言以明

之宋孫履齋乃謂夫子繫易以穆姜之言解乾卦

見示編

聞

若璩氏又以左氏習聞關里遺言而樂稱之不覺用孔子

語撰入之

見尚書古文疏證五下李光地榕村集亦云左氏傳出最後此撮易文而爲之辭也

余則

以爲穆姜自引文王之易不得緣此以疑左氏

周氏附論

弗得出矣

隨內震外兌是動而得毀折之象也反體爲蠱蓋醫和所謂女惑男者以儻穆姜之爲人亦甚類矣又互體爲艮爲巽艮止巽入八而止焉此其兆皆不能出彖辭雖无咎於穆姜乎何有而史云然者殆阿姜意而爲之諱也或謂艮

之隨亦隨之艮信如此說則隨六二係小子失丈夫艮六二艮其腓不拯其隨其心不快又皆不可出之象明矣

汪琬

堯峯文
鈔五

秦景公

景公石

春秋分記
世譜四

子襄曰不可云云君其圖之

此一段當以邲之戰參看當時楚莊王方彊如晉士會樂武子雖晉之臣而能歷數楚國之德刑政事卒乘軍旅之事如親歷楚之朝子襄言晉國之政亦如親歷晉之朝蓋晉楚兩彊國所以並立百有餘年者蓋其國各有腹心之臣互觀兩國之政表裏洞見不敢輕略故如此至如陳隋

之際但有一江之隔隋脩德政欲取陳而陳懵然不知此
陳隋不能兩立而晉楚相距如此之遠所以相持百餘年
者以是見國之有人無人之間也

呂氏春秋左氏傳說七

門子鄭門

解鄭城門也

吳氏曰魯嘗取鄆衛有鄆澤鄆門者國之東門走魯衛之
道也

春秋地名
攷略六

門子師之梁

解亦鄭城門

師之梁西門也襄三十年鄭伯盟國人于師之梁之外昭
七年公如楚鄭伯勞于師之梁皆謂此也

春秋地名
攷略六

斬行栗

解行栗表道樹

詩鄭風東門之栗毛傳云栗行上栗也

惠氏補
注三

君子勞心小人勞力先王之制也

外傳魯語公父文伯之母曰君子勞心小人勞力先王之訓也故孟子亦引之曰或勞心或勞力勞心者治人勞力者治於人治於人者食人治人者食於人天下之通義也子朱子以爲四句皆古語是已

周氏附論

同盟于戲

解七

戲鄭地

鄭戲童

成十

亦曰戲

春秋
輿圖

公孫輒

解七

子耳

耳垂也从耳下垂象形春秋傳曰秦公子耳者其耳下垂故以爲名說文十
二上輒耳古字通案耳垂謂之耳故車耳亦謂之輒說文輒車兩轔也轔車旁也較車轔上曲鈎也

靡乘輿金飾馬耳也輶車耳反出也太玄經積次四君子
積善至于車耳崔豹古今注重耳古重較與較也文官亦

耳武官青耳然則輶輶較輶靡皆車耳也鄭大夫有姚句

耳此輶上曲鉤之義也晉文公名重耳晉大夫有梁益耳

此重較爲重耳之義也魯子叔輶字伯張叔孫輶字子張

耳垂左右皆外向其象侈張輶之反出以向外亦如之山

海經大荒東經有一大人張其兩耳周秦名字解故下

周秦名字解故下

案秦無

公子恥此鄭公孫輶字子耳疑許氏取之傳寫有誤爾余

子祖思云昭廿年經盜殺衛侯之兄紩二小傳紩作輶僖

十五年秦有公子紩疑卽公子輶也余云如汝言是當入

攷異矣但紩字子顯盧植謂古者名字相配顯當作輶不

聞取義於耳垂也許氏之說豈別有所本邪姑附志之

晉士莊子爲載書解莊子士弱載書盟書

周禮司盟乃秋官之屬春秋時士是獄官莊子爲士故爲

盟書

春秋分記職官書二

載言也

爾雅釋詁

周禮春官祖祝云作盟詛之

載辭鄭注載辭爲辭而載之於策秋官司盟云掌其盟約

之載鄭注載盟辭也左氏襄九年傳云晉士莊子爲載書

哀八年傳云景伯負載是也

邵氏爾雅正義二

濟于陰阪解陰阪洧津

陰阪在河南開封府洧川縣西

春秋輿圖

次于陰口而還解陰口鄭地名

洧水又東逕陰坂北水有梁焉俗謂是濟爲參辰口左傳

晉伐鄭濟于陰阪次于陰口而還是也服虔曰水南曰陰
口者水口也參陰聲相近蓋傳呼之繆耳

水經注

是謂一終一星終也解歲星十二歲而一周天正義直言一
星終知是歲星者以古今歷書推步五星云

姚氏案天官占云歲星一曰應星一曰經星一曰紀星物
理論云歲行一次謂之歲星則十二歲而星一周天也

史記

天官書索隱古今術家皆以歲星一年行一次有奇云十二年
一終者舉其成數非密率也

五禮通考一百九十一

國君十五而生子冠而生子禮也

正義

案此傳文則諸侯十

二加冠也文王十三生伯邑考

案詩大明正義

曰大戴禮稱

武王今大戴無此文則十二加冠親迎于渭用天子禮則天子十二冠

也晉語柯陵會趙武冠見范文子冠時年十六七則大夫十六冠也士庶則二十而冠故曲禮云二十曰弱冠是也

禮三十而娶文王十五而生武王非法也

淮南汜論訓

歲星十

二歲而周天天道十二而備故國君十二歲而冠冠而娶十五生子重國嗣也不從故制也

又

左傳言魯襄公年十

二而冠也依八代記卽少昊亦十二而冠則知天子諸侯

幼卽位者皆十二而冠矣是以異義古尚書說云武王崩

時成王十三後一年管蔡作亂周公東辟之王與大夫

蓋弁以開金縢之書時成王年十四言弁明知已冠矣是

其證也異義今禮戴說云男子陽也成於陰故二十而冠

是矣

公羊隱元年疏

許慎五經異義曰春秋左氏傳說歲星爲年

紀十二而一周天天道備故人君年十二可以冠自夏殷
天子皆十二而冠譙周五經然否論云古文尚書說武王
崩成王年十三推武王以庚辰歲崩周公以壬午歲出居
東癸未歲反禮公冠記周公冠成王命史作祝辭告是除
喪冠也周公未反成王冠弁開金縢之書時十六矣是成
王十五周公冠之而後出也

案穀梁文十二年傳注譙周
諸侯十五而冠十五而娶必先冠以夫婦之道王教之
本不可以童子之道治之禮十五爲成童以次成人欲人
君之早有繼體故因以爲節書稱成王十五而冠著在許
金縢案此說疑亦是論中語沈約宋書禮志采此論許
慎五經異義云武王崩後管蔡作亂周公出居東是歲大
風王與大夫冠弁開金縢之書成王年十四是喪冠也者
恐失矣案禮傳天子之年近則十二遠則十五必冠矣

傳云云見宋書禮通典禮十六

案鄭注金縢云天子諸侯十二而冠成

王此年十五於禮已冠

見穀梁文疏

同許君義蓋二十而冠

士大夫之禮十二而冠王侯之法古尚書說成王喪冠非

也或云天子諸侯之子亦二十而冠十二而冠者幼年卽

位乃然耳

孔氏正經異義駁錄存

案賈服說皆以人君禮十二而

冠

宋書禮志一引

杜氏本之又荀子大略篇曰天子諸侯子十九

而冠楊倞注云先於臣下一年也足知士庶方二十而冠

諸說皆未引及此唯陳氏禮書六十四兩引荀子均作天

子諸侯十九而冠脫去子字反詆苟爲失謬矣

以金石之樂節之解以鍾磬爲舉動之節

異義云公冠記無樂春秋傳說君冠必以金石之樂節之

謹案人君飯有舉樂而云冠無樂非禮義也

見政和五禮新儀十二

廣林案鄭義無聞盧辯公冠注云成人代父始宜盡孝子之感不可以歡樂取之若然無樂是也故周禮備詳樂事獨不及冠蓋與昏無樂同義春秋衰世變禮不可爲典要

孔氏五經異義駁錄存

以先君之祧處之

解

諸侯以始祖之廟爲祧

士行之於禰廟故士冠禮注廟謂禰廟既在禰廟此云尊先祖者尊禰卽尊先祖之義且下士祖禰共廟其諸侯則冠於太祖之廟故左傳云以先君之祧處之聘禮不腆先君之祧鄭注以爲始祖之廟則天子當冠於始祖廟也服虔注左傳先君之祧處之以爲曾祖廟者以左傳魯成公

冠於衛成公之廟衛成公則當今衛君獻公曾祖服虔望時解之故以祧爲曾祖非鄭義也

禮記冠義正義

冠于成公之廟解成公今衛獻公之曾祖從衛所處

時不冠於衛之始祖以非已庶故也

儀禮士冠禮疏

魯襄公冠以

冬漢惠帝冠以三月明無定月

晉書禮志下

案士冠禮云屨

夏用葛冬皮屨疏云舉冬夏寒暑極時而言知四時皆可

行冠禮不得執祝辭有歲正月令之文而遂謂冠必以正

月也白虎通云禮所以十九見正而冠者何漸二十之人

耳曲禮曰二十弱冠言見正何以知不謂正月也以禮士

冠經口夏葛屨冬皮屨明非歲之正月也據此則所爲歲

正月令卽吉日辰良之義

日血未乾而背之

未乾喻近也

國語注法吳

且要盟無質解質主也

正義服虔云質誠也無忠誠之信

哀二十年傳先主與吳王有質注質盟信也

陸氏附注二

補釋十五

補釋十六起襄公十年
盡十五年

左通一

錢塘梁履繩學

十襄會于祖廟相楚地

今山東兗州府嶧縣東南有澇口戍卽今泇河入沂水之

泇口又汪氏克寬曰偪陽國及祖地皆在沛縣案縣屬江蘇徐州府

蓋地相接云大事表
七之四相有二襄十年會吳于祖是楚地昭

六年鄭伯勞楚公子奔疾于祖是鄭地春秋分記疆理書十一

請伐偪陽解偪陽妘姓國今彭城傅陽縣也

今山東兗州府嶧縣南五十里有偪陽城

大事表五

鄆人紇解紇聊邑大夫仲尼父叔梁紇也聊邑魯縣東南革城是也昭七年正義家語本姓篇云宋泯公熙生弗父何何

生宋父周周生世子勝勝生正考父考父生孔父嘉其後以孔爲氏也孔父生木金父金父生臯夷父夷父生防叔防叔

辟華氏之偏而奔魯生伯夏伯夏生叔梁紇梁紇卽生孔子

鄆論語作鄆注鄆孔子父叔梁紇所治邑正義曰古謂大

夫守邑者以邑冠之呼爲某人孔叢子孔子將至晉臨津

不濟還輞息鄆見記問篇卽此晉魯縣屬魯郡卽今曲阜縣與

今鄒縣相接志云鄒縣西有東鄒村西鄒聚爲兩邑接境

處蓋卽杜氏所謂莖城也春秋地名攷略二

案鄆亦作鄒通志

氏族略三云正考父食邑於鄒生叔梁紇遂爲鄒氏此語

非也正考父居宋安得食邑於魯且紇非考父之子傳亦

稱鄆叔紇十七年未聞後以之爲氏又孔疏所引家語與今

本不同泯公今作襄公誤唐書宰相世系表

五

下作滑公捷

生弗父何是也

伯兄云捷字誤當作其名捷者後之滑公也熙乃燬公名家語

爲誤宋父周今家語宋作送譌世子勝當依唐表作世父

勝臯夷父唐表作睂夷父今家語作睂夷臯睂字同惟潛

夫論志氏姓篇作祈父

詩商頌正義引世本作祁父同

商頌正義所引世

本云宋父生正考甫中缺世父勝一代與它書不合疑傳

寫有脫文耳

禮記儒行正義孔子曾祖防叔生木金木金生伯夏亦傳寫之謠

顧氏世系

表云昭七年杜注孔父嘉子奔魯而此云防叔疑杜說是

以成一隊

解見淮南道

百人爲隊

正義

隊是行列之名百人爲隊相傳

爲然成一隊者言其當百人也

高誘曰軍二百人爲一隊

見淮南道應訓注

司馬法云五人爲伍

十伍爲隊

見李衡

是又以五十人爲隊國語曰百人爲徹

行行頭皆官師賈逵云百人爲一隊也官師隊大夫也

史見

記馮唐傳索隱案國語補音據索隱引吳語云云官師並作官帥又引賈逵云百人爲一卒卽一隊也與今本索

隱異故杜據以爲說惠氏補

注三

案狄虒彌以一當百杜因解

隊爲百人其文十六年傳注云隊部也不言數之多寡蓋

望文爲義耳

投之以机

釋文

以几本又作机同

馬融曰几長三尺阮諶曰几長五尺高二尺舊圖几兩端赤中央黑蓋各述其所傳然也王設几於左右優至尊也諸侯而下或設之左或設之右適事之宜也諸侯祭祀席右几筵國賓左几則祭祀陰事也故右之筵國賓陽事也

故左之甸役亦右几以甸役陰事故也周禮甸役右漆几春秋之時智伯在軍投之以几是也

禮書四十八

余羸老也

高誘曰羸劣人也

見淮南子言訓注惠氏補注三

親受矢石

正義周禮職金云云

石謂發石以投人也墨子曰備城者積石百枚重十鈞已

上者

後漢書堅鑑傳注

請以桑林解桑林殷天子之樂名正義或曰禱桑林以得雨遂以桑林名其樂也皇甫謐云殷樂一名桑林以桑林爲大濩別名無文可馮未能察也

桑林司馬云湯樂名崔云宋舞樂名案卽左傳舞師題以

旌夏是也

莊子養生主釋文

案莊子稱桑林之舞呂氏春秋誠

廉篇云使保召公就微子開於其頭之下而與之盟曰世爲長侯守殷常祀相奉桑林注云相猶使也使奉桑林之樂又慎大篇云立成湯之後於宋以奉桑林注桑山之林湯所禱也故使奉之愚因疑殷人尊神湯以身禱得雨其子孫必立桑林之社於宋或卽祀以殷天子之樂遂以桑林名之不敢仍大濩之號也宋有桑林之門昭廿一亦取此義故下傳卜桑林見杜云祟見於卜兆此蓋桑林之神爲祟若桑林專屬於樂樂安得有祟乎

舞師題以旌夏解師帥也

補氏正字云注師帥也帥誤樂師二字从釋文校疏樂人之帥誤師

盧弓甫云宋本作師帥也愚案周官舞師掌教兵舞帥而舞山川之祭祀及大司樂師國子而舞樂師帥射失以弓矢舞

可證旌夏大旌也題識也以大旌表識其行列

司樂以樂舞教國子舞雲門大卷大咸大磬大夏大濩大武大夏而上文舞也其執以羽大濩而下武舞也其執以干賈公彥曰武舞有四表大濩已上應亦四表詳大司樂疏於理或然春秋傳曰舞師題以旌夏蓋若今大樂以纛與旌

引二舞者歟

禮書百二十九

及著雍解著雍晉地

襄十九年晉荀偃歸濟河及著雍病昭十三年荀吳自著雍侵鮮虞又襄二十一年晉使欒盈城著杜云晉邑疑卽著雍也

春秋地名
攷略五

著雍蓋晉適齊宋河以內之地當在直

隸河間府境

大事表七之三

晉侯有閒解間疾差也

間猶瘳也

禮記文王世子注

病重之時病恆在身無少閒空隙病

今既損不恆在身其間有空隙故云間猶瘳也瘳是疾減

損也

又正義

偏陽妘姓也使周內史選其族嗣納諸霍人禮也解霍晉邑
內史掌爵祿廢置者使選偏陽宗族賢者令居霍奉妘姓之
祀善不滅姓故曰禮也

高誘淮南子注云天子不滅國諸侯不滅姓古之政也

見本

經訓惠晉獻公滅霍以爲邑後以賜先且居爲霍伯

文氏補注五

今山西平陽府霍州

案州今升隸州

西十六里有霍城

大事表七之三

生秦不茲事仲尼

任有力也臣錯曰魯有力人曰秦董父好勇名其子曰丕

茲取此義

說文任字繁傳

臣召南案丕茲卽秦商也史記孔子弟

子傳秦商字子丕鄭康成曰楚人家語七十二弟子解曰

秦商魯人字不慈鄭以爲楚人非也

左傳考證

案史記正義

引家語作丕茲與傳合索隱引家語云秦商魯人字不慈

少孔子四歲其父董與孔子父紇俱以力聞也與今家語

小異釋文云一本作秦不茲蓋丕不音近尚書金縢是有

不子之責于天鄭玄云丕讀曰不是也

見書正義

徐楚金以丕

爲任義蓋本尚書禹貢大伾山外傳周語上作伾山字得
通用然義屬傳會不可案據餘詳攷異

師子誓母解宋地

訾母當在今河南鹿邑縣境

案縣屬歸德府講春秋解義三十九

門于桐門

哀廿六年解

桐門北門

昭二十五年宋樂大心居桐門稱桐門右師

春秋地名攷略十

獻兆於定姜

正義周禮大卜掌三兆之法

云云

高誘曰兆契龜之兆也世所以占吉凶也

見本經訓注惠氏補注三

兆如山陵

馮氏山

慎氏

曰兆如山陵占人所謂兆廣也故主寇雄若兆

則禦寇者喪雄矣又曰從墨坼大曰兆廣吉岐出坼細曰

兆豐凶

闡義

孫蒯獲皇耳于犬丘

此卽襄元年鄭子然侵宋所取之犬丘也今屬鄭

周氏附論

子駟與尉止有爭

尉止子尉翩並以尉爲氏謂之尉氏圈稱陳畱風俗傳曰尉氏鄭國之東鄙弊獄官名也鄭大夫尉氏之邑故樂盈曰臣將歸死於尉氏是也本水經渠水注惠氏補注三別詳廿一年

子駟爲田洫司氏堵氏侯氏子師氏皆喪田焉洫田畔溝也子駟爲田洫以正封疆而侵四族田

子駟爲田洫當時何爲人皆喪田以此觀之蓋周之井田廢壞至此已見其端四家侵占遂更溝洫爲田子駟要整頓田洫便取四家田再開故四家作亂且田洫自古有之若仍舊制何緣喪田必其間嘗有侵削皆非舊制有如子產欲復鄭田制民謗以爲取我田疇而伍之此又見井田

漸壞人皆謂商君開阡陌大壞井田之制曾不知其來之漸已久若使元不會壞商君亦未能一旦盡埽去先王之制不獨田制如此而先王之樂亦莫不然孔子指不正之樂歸之鄭聲如當時衛有桑間濮上之音子夏魏文侯之對言之甚詳皆是不正之音何故獨歸之鄭聲蓋鄭音首壞先王之樂其姦聲尤甚如十一年鄭以女樂二八賂晉侯後十五年鄭師慧過宋朝曰若猶有人豈其以千乘之相易淫樂之驟以此見鄭所有之樂皆非先王所有之樂亦如井田壞之有漸呂氏春秋左氏傳說七

故五族聚羣不逞之人

敍聚羣不逞作怨之人

詩蕩箋

逞快也謂志意不快好作怨

禍者也

又正義

侯晉

侯晉或曰宣多子

高氏左傳姓名同異攷一

子西解公孫夏子駟子

公孫夏襄子

杜氏世族譜

乃焚書於倉門之外

倉門鄭之東南門以面石倉城而得名石倉城在陳留西南七十里

春秋地名攷略六

晉師城梧及制解梧制皆鄭舊地

嚴氏啟隆曰梧與制皆虎牢之旁邑城之所以翼虎牢案

隋書滎陽縣有梧桐澗疑卽梧也制卽北制

見隱五年大事表七之

二

至於陽陵

鄭地

陽陵在今河南許州西北

日講春秋解義三十九

簗門閨竇之人

解簗門柴門閨竇小戶穿壁爲戶上銳下方

狀如圭也

說文引云簗門圭竇鄭氏禮記注云簗門荆竹織門也圭

竇門旁竇也穿牆爲之如圭矣

儒行竇與竇同物同音惠氏補注

三餘詳攷異

單靖公

靖公頃公之子

項公見三年杜氏世族譜

一季武子將作三軍

解魯本無中軍唯上下二軍皆屬於襄

公有事三卿更帥以征伐季氏欲專其民人故假立中軍因以改作王義禮明堂位云成王封周公於曲阜地方七百里其時必有三軍也云云

鄭荅臨碩云魯頌公徒言三萬是二軍之大數又以此爲三軍者以周公受七百里之封明知當時從上公之制備三軍之數此敘云復周公之宇故此箋以三萬爲三軍言其復古制也又以凡舉大數皆舉所近者若是三萬七千五百大數可爲四萬此頌美僖公宜侈大其事不應減退其數以爲三萬故荅臨碩謂此爲二軍以其不安故兩解之也今以春秋檢之則僖公無三軍襄十一年經書作三軍明已前無三軍也昭五年又書舍中軍若僖公有三軍

則作之當書也自文至襄復減爲二則舍亦當書也春秋

之例以軍賦事重作舍皆書於僖公之世無作舍之文便知當時無三軍也鄭以周公伯禽之世合有三軍僖公能

復周公之宇遵伯禽之法故以三軍解之其實於時唯二

軍耳

詩閭宮正義

周禮天子六軍諸侯大國三軍魯伯禽之封

舊有三軍其後削弱二軍而已武子欲專公室故益中軍

以爲三三家各征其一

國語下注

案書費誓魯人三郊三

遂是舊有三軍之證

詛諸五父之衢解五父衢道名在魯國東南

定六年陽虎盟國人于毫社詛于五父之衢八年陽虎出

舍于五父之衢又檀弓孔子殯母於五父之衢卽此

案亦見韓

非子外儲說右上篇

地道記云在城東白裏魯記在魯國東南門外

二里春秋地名攷略二

東侵舊許解許之舊國鄭新邑

成十五年許遷于葉則許之舊國爲鄭所有故謂之舊許

日講春秋

解義三十九

師于向解向地在潁川長社縣東北

十四年會吳于向卽此今開封府尉氏縣西南四十里有

向城

大事表七之二向國名隱

又周莒俱有向地

隱十一僖廿六大事表六下

次于瑣解滎陽苑陵縣西有瑣侯亭

鄭瑣

一云瑣澤其地在新鄭縣北

案縣屬開封府又衛楚俱有瑣

地定七昭五
大事表六下

西濟于濟隧解水名

京相璠曰鄭地也言濟水滎澤中北流至衡雍西與出河之濟會南去新鄭百里斯蓋滎播河濟往復逕通矣出河之濟即陰溝之上源也濟隧絕焉故世亦或謂其故道爲

十字溝

水經注

同盟于亳

經云亳城北杜注亳城鄭地當在今河南府偃師縣西二

十里

大事表
七之二

司慎司盟解二司天神

注云二司天神司慎察不敬者司盟察盟者

儀禮觀禮疏
案惠氏注

引作
服注

會于蕭魚解鄭地

史記秦嬴姓其分封有修魚氏路史少吳後嬴姓國修魚
卽蕭魚春秋地名

納斥候解不相備也

斥候案許慎注淮南子

兵略訓

云斥度候視也候望也

史記李將

軍傳索隱

襄十八年左傳稱晉人伐齊使司馬斥山澤之險斥

謂檢行之也斥候謂檢行險阻伺候盜賊

書禹貢正義

晉侯使叔肸解叔肸叔向也

肸字叔向亦曰叔譽

本檀弓及逸周書太子晉解

唐書宰相世系表一下

叔譽卽

叔向

魯語作叔嚮云許亮反又許丈反

宋庠補音

春秋時大夫有兩字者如子

產一字子美是也

襄廿五年禮記古義上

宋公子肸字向父

見成十五

年左傳
正義

肸響布寫也響蠻向古字通說文肸響布也蠻知

聲蟲也𧔗司馬相如蠻从向上林賦肸蠻布寫李善注引

司馬彪云肸過也芬芳之過若蠻之布寫也漢書司馬相

如傳師古注云肸蠻盛作也揚雄傳甘泉賦薌吠肸以搥

根兮師古注云言風之動樹聲響振起賦又云肸蠻豐融

左思蜀都賦景福肸蠻而興作晉羊舌肸字叔向一字叔

譽肸向羣聲四布而遠聞也譽亦聲之遠聞也周語爲令

聞嘉譽以聲之

周秦名字
解故上

及其鉢磬周義鉢皆樂器鉢是大鐘磬是大磬皆特縣

之非編縣也據鄭玄禮圖如此也

周禮鉢師掌金奏之鼓國語伶州鳩曰細鈞有鍾無鉢昭

其大也大鈞有鑄無鍾甚大無鑄鳴其細也

見周語

下蓋細鈞

角徵羽也大鈞宮商也細必和之以大故有鍾無鑄大必

和之以細故有鑄無鍾則鑄小鍾耳韋昭釋國語杜預釋

左傳皆以鑄爲小鍾

案周語下晉語七韋注並云鑄小鍾杜預不言其制故正義從鄭氏今說

家引爲杜解誤也

特康成曰鑄如鍾而大

見儀禮大射儀及周禮春官鑄師序官注孫

炎許慎沈約之徒亦以爲大鑄然爾雅大鍾謂之鏞不謂

之鑄又儀禮鑄從薄與鍼鑄之鑄同則鑄爲小鍾之說於

理或然

禮書百二十

鄭康成注尚書云鏞亦名鑄

郭璞注爾雅同而陳

賜據韋昭杜預之說以駁之謂鍾之小者爲鑄不得與鏞

比且云鑄之爲用其實編鍾也編鍾之用其實歌鍾也一

器而三異其名耳考儀禮大射禮西階之西頌磬東面其

南鍾其南鑄是鑄與編鍾明是二器陳氏之說固不可訓而鑄配特磬鏞配鼙鼓其制又各不同鄭氏并而一之亦非也

孔繼汾閼里文獻考二十五

案聶崇義三禮圖無鑄王俅嘯堂

集古錄有齊侯鑄鐘不言制之大小惟宣和博古圖載齊侯鑄鐘其說云鑄鐘屬也國語曰細鈞有鐘無鑄尚大故也大鈞有鑄無鐘尚細故也以此推之則鑄比特鐘爲小比編鐘爲大今此鐘銘曰鑄攷其形制乃大於鐘蓋春秋之時禮樂征伐自諸侯出而等夷制度無復先王之法而妄自夸大耳以周官制器則首言鐘師而以鑄師爲次是其大小自異履繩謂此論殊有根據但鄭氏之徒皆以爲大鑄豈會見周之遺器而云然乎

女樂二八解十六人

女樂今伎女也八人爲佾備八音也

國語注疏七注

晉侯以樂之半賜魏絳

君賜大夫樂又從之以其人謂之太師也

儀禮鄉射禮注疏七注天子諸侯官備有太師少師瞽人作樂之長大夫士官不備不合

有太師君有賜大夫上樂器之法故春秋左氏云晉侯歌鍾二肆取半以賜魏絳魏絳於是乎始有金石之樂禮也時以樂人賜之

又疏

鄭賂晉侯止有二肆當天子卿大夫判

縣故取半賜魏絳魏絳得之分爲左右故云始有金石之

樂

周禮春官小胥疏

案正義曰傳唯言魏絳有金石之樂不言

文樂女樂房中私宴之樂或不以賜之但晉語明云賜魏

絳女樂一八歌鍾一肆孔氏此疏屢引外傳豈獨遺之而別自爲說蓋疑而不取耳晉悼賢君非如魯定公與季桓子之所爲然晉悼之受女樂終玷霸業況可以賜其臣乎賈公彥不兼言女樂是也乃王逸注楚辭招魂云二八二列也言大夫有二列之樂故晉悼公賜魏絳女樂二八歌鍾二肆直誤解傳文已

八年之中九合諸侯正義服虔云八年從四年以來至十一年也九合諸侯者五年會于戚一也其年又會于城棣救陳二也七年會于鄖三也八年會于邢丘四也九年盟于戲五也十年會于粗六也又戍鄭虎牢七也十一年同盟于亳城北八也又會于蕭魚九也晉語說此事云於今八年七合諸

侯孔晁云不數救陳與戍鄭虎牢餘爲七也

八年七合今案內傳云九合諸侯據韋注自作七合具列其數與孔晁同經典釋文亦列九合之名與服氏同與韋注同內傳以一會之年有二事者更以爲數故九然內外傳文辭自有詳略不必同也朱氏國語補音三案韋注數七合釋文數九合不得云與韋注同疑有譌脫抑臣願君安其樂而思其終也

春秋惟鄭多以樂與人襄十一年蕭魚之會賂晉悼公以師悝師觸師鐸歌鍾二肆及其鑄磬女樂二八十五年又以師苌師慧賂宋其鄭聲之謂乎蓋鄭衛爲邪音由地近紂都染其餘習魏絳所以勸悼公安其樂而思其終亦見悼公有驕志故規之樂記曰鄭衛之音亂世之音也

春秋分記

書曰居安思危解逸書

案周書程典曰於安思危於始思終於邇思備於遠思近於老思行不備無違嚴戒

惠氏補注三

案下傳云思則有備

有備無患蓋括周書之義程典曰誠在往事備必慎又曰德開開乃無患是也故云敢以此規呂氏春秋慎大覽有於安思危語亦本周書之文王鳴盛尚書後辨謂周官居寵思危本此傳改安作寵以合戒飭百官之意又說命乃其有備有備無患亦襲此文餘詳攷異

魏絳於是乎始有金石之樂禮也解禮大夫有功則賜樂

熊氏云案春秋說題辭樂無大夫士制鄭玄箴膏肓從題

辭之義大夫士無樂小胥大夫判縣士特縣者小胥所云
娛身之樂及治人之樂則有之也故鄉飲酒有工歌之樂
是也說題辭云無樂者謂無祭祀之樂故特牲少牢無樂
若然此云大夫不徹縣士不徹琴瑟者謂娛身及治民之
樂也

禮記曲禮下正義

秦庶長鮑庶長武解庶長秦爵也

師古曰庶長言爲衆列之長也

漢書百官公卿表上注

劉劭爵制曰

春秋傳有庶長鮑商君爲政備其法品爲十八級合關內
侯列侯凡二十等其制因古義古者天子寄軍政於六卿
居則以田警則以戰所謂入使治之出使長之素信者與
衆相得也故啟伐有扈乃召六卿大夫之在軍爲將者也

及周之六卿亦以居軍在國也則以比長閻胥族師黨正
州長鄉大夫爲稱其在軍也則以卒伍司馬將軍爲號所
以異在國之名也秦依古制其在軍賜爵爲等級其帥人
皆更卒也有功賜爵則在軍吏之例自一爵以上至不更
四等皆士也大夫以上至五大夫五等比大夫也九等依
九命之義也自左庶長以上至大庶長九卿之義也關內
侯者依古圻內子男之義也秦都山西以關內爲王畿故
曰關內侯也列侯者依古列國諸侯之義也然則卿大夫
士下之品皆放古比朝之制而異其名亦所以殊軍國也
古者以車戰兵車一乘步卒七十二人分翼左右車大夫
在左御者處中勇士居右凡七十五人一爵曰公士者步

卒之有爵爲公士者

漢書注師古曰言有爵命異於士卒故稱公士也

案成十三年正義引

漢書較劉劭爵制爲略且不引師古注蓋後出仲達未見耳附錄於此

二爵曰上造造成也

古者成士升於司徒曰造士雖依此名皆步卒也

師古曰造成也

言有成命於上也三爵曰簪襄御駟馬者要襄古之名馬也駕駟

馬者其形似簪故曰簪襄也

師古曰以組帶馬曰襄簪馬者言飾此馬也

四爵曰不更不更者爲車右不復與凡更卒同也

師古注見成十三年

五爵曰大夫大夫者在車左者也

師古曰列位從大夫

六爵爲官大夫

師古曰加官公者示稍尊也

七爵爲公大夫

師古曰大之尊也

八爵爲公乘

師古曰言其得乘公家之

九爵爲五大夫

師古曰大之尊也

皆軍吏也吏民爵不得過公

乘者得貴與子若同產然則公乘者軍吏之爵最高者也

雖非臨戰得公卒車故曰公乘也十爵爲左庶長十一爵

爲右庶長十二爵爲左更十三爵爲中更十四爵爲右更

師古曰更言主領更卒部其役使也

十五爵爲少上造十六爵爲大上造

師古

曰言皆主造之士也

十七爵爲駟車庶長

師古曰言乘駟馬之車而爲衆長也

十八

爵爲大庶長

師古曰又更尊也

十九爵爲關內侯

師古曰言有侯號而居京畿無邑

二十爵爲列侯

漢書曰二十徹侯避武帝諱曰通侯或曰列侯師古曰言其爵位上通於天子

自左庶長已上至大庶長皆卿大夫皆軍將也所將皆庶人更卒也故以庶更爲名大庶長卽大將軍也左右庶長卽左右偏裨將軍也

續漢書百官志五注

案庶長之名有四鮑與

武不知是何等級疑商君因秦舊制增爵二十春秋時祇有庶長至孝公用衛鞅始加左右諸名攷史記秦紀孝公三年拜鞅爲左庶長又昭王時白起王龍並爲此官

見白起傳

餘所見單稱庶長

詳紀

秦

豈仍參用舊制耶蓋亦如十六舊

爲大上造史記作大良造

秦紀及商君白起傳

案戰國策作大梁造字通用

隱

商君傳

云卽大上造也後變其名耳愚謂鞅死之後未必

盡用其法

秦晉戰于櫟

解櫟晉地

釋例云在河北地

史記晉系家索隱

今陝西臨潼縣

案縣屬北西安府

三十里有櫟陽城相傳卽晉之櫟邑非也傳稱是役秦師

濟自輔氏伐晉師戰于櫟則櫟爲河上之邑明矣杜氏釋

例云在河北此爲差近若櫟陽則古驪戎國秦獻公所都

且去河絕遠必非此櫟也

春秋地名攷略五

襄十 國台解 琅玡費縣南有台亭

魯台在山東沂州府費縣東南

春秋輿圖

取其鐘以爲公盤

春秋左傳季孫宿伐莒取其鐘以爲公盤是盤亦以金爲

之也

說文釋
字繫傳

異姓臨於外同姓於宗廟同宗於祖廟同族於禰廟是故魯爲諸姬臨於周廟爲邢凡蔣茅胙祭臨於周公之廟廟於城外向其國宗廟所出王之廟祖廟始封君之廟禰廟父廟也同族謂高祖以下諸姬同姓國周公之廟卽祖廟也六國皆周公之支子別封爲國共祖周公

公姓公同姓

詩麟趾
賦傳

言同姓疏於同祖上云公子爲最親

下云公族傳云公族公同祖則謂與公同高祖有廟屬之

親此同姓則五服以外故大傳云五世祖免殺同姓是也
大傳注又云外高祖爲庶姓是同高祖爲一節也此有公
子公族公姓對例爲然案林杜云不如我同父又曰不如
我同姓傳曰同姓同祖此同姓同祖爲異彼爲一者以彼
上云同父卽云同姓同父之外次同祖更無異稱故爲一
也且皆對他人異姓不限遠近直舉祖父之同爲親耳左
傳曰同姓於宗廟同宗於祖廟同族於禰廟又曰魯爲諸
姬臨於周廟謂同姓於文王爲宗廟也邢凡蔣茅胙祭臨
於周公之廟是同宗於祖廟也同族謂五服之內彼自以
五服之外遠近爲宗姓與此又異此皆君親非異國也要
皆同姓以對異姓異姓最爲疏也又正義入廟稱禰卽左傳

曰同族於禰廟是也舊說云禰字示旁爾言雖可入廟是神示猶自最近于己故曰禰

公羊隱元年傳疏

于楊梁解梁國睢陽縣東有地名楊梁

後漢志睢陽有楊梁聚水經

淮

水注渙水東逕陽亭北卽楊

梁也今在河南歸德府城東南三十里

春秋地名攷略十

案呂

氏春秋行論篇宋殺文無畏於揚梁之隄卽此楊揚古通

用

王使陰里結之解結成也

崔駰有婚禮結言

見後漢書本傳

字本此傳

惠氏補注三

案淮南

泰族訓云待媒而結言亦是

襄十 郭亂解郭小國也任城亢父縣有郭亭

邾在今山東濟寧州東南

日講春秋解義三十九

使其什吏正義謂十人長也

周書大聚曰十夫爲什以年爲長卽什吏也

惠氏補注三

子襄曰君命以其云云請謚之其

喪紀能誄者謂於喪紀之事能累列其行爲文辭以作謚若子襄之誄楚恭之類故曾子問注云誄累也累列生時行迹以作謚是也

詩定之方中正義

案詩傳云建邦能命龜田

能施命作器能銘使能造命升高能賦師旅能誓山川能說喪紀能誄祭祀能語君子能此九者可謂有德音可以爲大夫傳語不知所出觀正義云云而春秋議謚之典亦可槩見況子襄爲楚賢令尹君薨不忘增其名眞所謂喪

紀能誅有德音之大夫矣它如正義解使能造命則徵以屈完之對齊侯僖四佐之對晉師成二解師旅能誓則徵以鐵之戰趙鞅哀二舊軍解祭祀能語則徵以荀偃襄十禱祖哀二其人非必皆有德音可取特舉以爲證爾

戰于庸浦解楚地

在今江南安徽廬州府無爲州南瀕江之浦也

大事表七之四

楚人歸之

良霄果亂節

顧氏補王中

案據廿二年傳則石曼固諱於楚

者故與子囊言如是良霄其咎之徒與

襄十妻戎氏昔秦人追逐乃祖吾離于瓜州解四嶽之後皆

姜姓又別爲允姓瓜州地在今敦煌

敦煌杜林以爲古瓜州地生美瓜

漢書地理志下

師古曰卽春秋

左氏傳所云允姓之戎居于瓜州者也

昭

其地今猶出大

瓜長者狐入瓜中食之首尾不出

又

今陝西肅州西五百

餘里古燉煌郡地

日講春秋解義四十

案肅州隸甘肅省今復

設敦煌縣屬安西州路通哈密其地產瓜卽所謂哈密瓜

漢志之言有證已餘見莊廿八年

有不腆之田

解厚也

不腆之田謂不多也

說文解厚字繫傳

豺狼所嗥

豺狼所嗥豺狼犬屬犧其聲高大也

說文口部犧字繫傳

豺狼所嗥

嗥咆也

玉篇嗥字注

晉人角之諸戎掎之正義角之謂執其角也掎之言戾其足也

掎角皆遮截束縛之名也

詩七月

餘詳貳說

相繼于時解言給晉役不曠時

役無虛時故曰相繼于時

邵氏左觿

豈敢離渴

迷說文達也或作渴左傳

古今韻會舉要二十九

吳子諸樊解吳子乘之長子也

春秋經書吳子渴

襄廿五

左傳稱諸樊蓋渴是其名諸樊是

其號公羊傳渴作謁

穀梁亦作謁吳系家索隱史記

君義嗣也解諸樊適子故曰義嗣

王肅曰義宜也嫡子嗣國得禮之宜

史記吳世家集解

周書曰王

義嗣德

惠氏補注三

二月乙未朔日有食之

壬寅歲

今歷推之是歲二月乙未朔加時在晝交分十四日一千三百九十三分入食限也

元史歷志二

經書朔與大衍合日食

黃道女十度半

春秋分記歷書三

穆子賦匏有苦葉解詩邶風也義取於深則厲淺則揚言已志在於必濟

詩稱匏有苦葉濟有深涉說者徒以爲苦葉之生乃濟深之候案叔嚮稱苦匏不材於人共濟而已魯叔孫賦匏有苦葉必將涉矣是苦匏可剗以涉水鶴冠子學問篇曰賤生

於無所用中流失船一壺千金壺卽匏也其性浮得之可以免沈溺故當失船之時其直千金也此亦如天竺涉水帶浮囊之類爾雅翼八

案杜解與外傳魯語正相發明孔氏

乃謂杜不從國語而別爲此解未免過泥

秦人毒涇上流師人多死

孫武子無迎水流張預曰卑地勿居恐決水灌我舟戰亦不可處下流以彼沿我泝戰不便也兼慮敵人投毒於上流春秋諸侯之師濟涇而次秦人毒涇上流師人多死是也

鉤六左日

至于棫林

解

秦地

棫林卽舊鄭咸林宣王母弟友所封也

本詩譜及鄭世家索隱

今爲

陝西同州府華州大事表七之三此傳械林杜云秦地十六年次

于械林杜云許地是二械林爲二國地也

日知錄四

左史解晉大夫

經云動則左史書之春秋是動作之事故以春秋當左史所書左陽陽主動故記動經云言則右史書之尚書記言誥之事故以尚書當右史所書右是陰陰主靜故也春秋雖有言因動而言其言少也尚書雖有動因言而稱動亦動爲少也周禮有五史有內史外史大史小史御史無左史右史之名者熊氏云案周禮大史之職云大師大師軍師抱天時與大師同車又襄二十五年傳曰大史書曰崔杼弑其君是大史記動作之事在君左廂記事則大史爲左史

也案周禮內史掌王之八枋其職云凡命諸侯及孤卿大夫則策命之僖二十八年傳曰王命內史叔興父策命晉侯爲侯伯是皆言誥之事是內史所掌在君之右故爲右史是以酒誥云矧大史友內史友鄭注大史內史掌記言記行是內史記言大史記行也此論正法若其有闕則得交相攝代故洛誥史逸命周公伯禽服虔注文十五年傳云史佚周成王大史襄三十年鄭使大史命伯石爲卿皆大史主爵命以內史闕故也以此言之若大史有闕則內史亦攝之案觀禮賜諸公奉籩服大史是右者彼亦宜行王命故居右也此論正法若春秋之時則特置左右史官故襄十四年左史謂魏莊子昭十二年楚左史倚相藝文

志及六藝論云右史記事左史記言與此正反於傳記不合其義非也

禮記玉藻正義

不釋皮冠解皮冠田獵之冠也

士冠禮注云皮弁以白鹿皮爲之象太古又舊圖云以鹿皮淺毛黃白者爲之高尺二寸

禮圖三
聶崇義

言凡甸冠弁服

據習兵之時若正四時則當戎服是以月令季秋天子乃

教於田獵以習五戎司徒搢扑北面以誓之天子乃厲飾執弓挾矢以獵注云厲飾謂戎服尚威武也以此觀之習五戎司徒誓之不戎服著冠弁可知是以襄十四年夏四月左傳云衛獻公戒孫文子甯惠子食而射鴻於囿二子從之公不釋皮冠則皮冠韋弁同但色異耳

案鄭注韋弁以韋弁爲弁

疏云：韋是藉，染謂赤色也。故以韋弁爲皮弁，是其正用。周禮春官

司服

疏

而入見蘧伯玉解伯玉蘧瑗

伯玉衛大夫蘧莊子無咎之子瑗謚曰成子

呂氏春秋召類篇注

敗公徒于阿澤解濟北東阿縣西南有大澤

阿澤在今山東泰安府東阿縣東北六十里有七級上下

二閘爲今運河所經古阿澤是其處

大事表下

庾公差學射於公孫丁

宋亦有公孫丁見昭二十年

孔氏世族譜補

射兩軻而還解軻車輶卷者正義說文云軻車輶下曲者服

虔云車輶兩邊又馬頸者

釋文同

服虔云軻車輶也兩輶又馬頸者是一衡之下唯有服馬
二頸也詩小戎正義說文謂轅耑持衡曰軻輶下曲曰軻軻
軻曰轉昆乎左傳稱庚公差追衛獻公射兩軻而還則軻在轅
耑衡在軻上軻軻轉在衡下而軻與軻轉一物也衡上有
采以爲飾詩曰錯衡是也軻上有環以貫轡爾雅曰載轡
謂之轡是也禮書百四十三

公使厚成叔弔于衛曰寡君使瘠解瘠厚成叔名釋文厚本
或作郈音同

郈氏魯孝公子惠伯華之後也以字爲氏因曰郈氏呂氏春秋
察微篇注郈成子魯大夫也郈敬子國之子郈青孫也呂氏春秋秋觀表
案杜氏世族譜云郈成叔厚孫也孝公八世孫通志

氏族略三云郈氏亦作后魯孝公八世孫成叔爲郈大夫
因以爲氏呂覽注云以字爲氏字疑邑之譌郈邑詳昭廿五惠伯

華檀弓上注作惠伯鞶正義引世本作革外傳魯語注云

郈敬子郈惠伯之後玄孫敬伯同也同呂覽注作國字並

相狀未知孰是據韋注稱郈惠伯則惠伯始受郈邑其子

孫因以爲氏也大事表引韋注作孝公玄孫敬伯同孝公二字

蓋以意增之成叔爲敬伯子於孝公未得爲八世孫似誤

衛人使大叔儀對解大叔儀衛大夫

太叔儀太叔文子僖侯八世孫杜氏世族譜世叔氏傳稱太叔

太叔儀諡文子見襄廿七年經文稱世叔儀大事表十二下

齊人以邾寄衛侯解邾齊所滅邾國

萊亦作邾路史國名紀四春秋出奔之君所在亦曰寄故左傳曰齊以邾寄衛侯是也喪服傳曰寄公者何失地之君也謂削地盡者與此別詩式微正義

其言糞土也

馮氏山曰糞土祗作無理可賤惡解林注踐踏羣臣如土

芥非慎氏
闡義

成國不過半天子之軍解成國大國正義周禮大宗伯云云

成國成千乘之國也

呂氏春秋貴因篇注

古者方十里其中六十四

井出兵車一乘此兵賦之法也成國之賦千乘

禮記坊記注案

司馬法云成方十里出革車一乘又云甸方八里出長轂

一乘鄭注小司徒云若通溝洫之地則爲十里若除溝洫

之右第十一
地則爲八里故云六十四井出車一乘云成國之賦千乘者左傳成國不過半天子之軍謂滿千乘則爲成國是公侯之封也案千乘之賦地方三百一十六里有畸案周禮公五百里侯四百里則是過千乘云不過千乘者其地雖過其兵賦唯千乘故論語注云雖大國之賦亦不是過焉又正義

師曠解晉樂大師子野

師曠司馬云晉賢大夫也善音律能致鬼神史記云冀州南和人生而無目莊子駢母篇釋文
案今史記無此文

自王以下各有父兄子弟以補察其政

所謂貴戚之卿顧氏補
正中

官師相規解官師大夫

正義杜意謂師爲長云云

官師相規注謂官衆

孔傳左傳官師從單靖公襄十五

注天子

官師非卿也漢賈誼傳官師小吏注云一官之長愚謂漢

注得之周官皆有師

困學紀聞二

正月孟春於是乎有之諫失常也

表記事君遠而諫則譏也孔疏云若與君疏遠強欲諫諍則是諂佞之人望欲自達也愚案此意甚正石梁王氏謂此非孔子之言過矣又孔疏云凡諫者若常諫之時天子諫臣七人諸侯五人大夫三人唯大臣得諫若歲初則貴賤皆得諫也故襄十四年左傳師曠對晉侯云自王以下各有父兄子弟以補察其政史爲書瞽爲詩工誦箴諫大

夫規誨士傳言庶人謗商旅于市百工獻藝國語又云天

子聽政公卿至於列士獻詩瞽獻典

案左傳正義引作瞽

曲獻之於王宋庠周語上補音云獻曲如字本或作典非史獻書師箴瞍賦矇誦百工

諫庶人傳語近臣盡規此皆孟春之月上下皆諫故傳引

夏書曰每歲孟春迺人以木鐸徇於路是也愚案此又可

見遠臣之諫當有時候

陸氏讀禮志疑六

子囊師于棠以伐吳

棠今爲江南

江蘇

江寧府六合縣棠邑塗塘卽此亦名瓦梁

河孫權築堂邑塗塘以淹北道晉武平吳使王仙出塗中
太元四年謝石率舟師屯塗中南唐何延錫建言六合西
二十五里有堰曰瓦梁水合五十四流輻湊吳堰中闢橫

斷羣山回環據天經而絕地緯之要者大九案楚棠邑與吳接境故師次于此昭廿年棠君尚之弟員奔吳可證纂乃祖考無忝乃舊

舊謂祖考之舊法也管子牧民篇云恭祖舊

惠氏補注三

詩曰行歸于周萬民所望解詩小雅

服虔曰逸詩也都人士首章有之禮記注亦言毛氏有之三家則七案繡衣篇引此首章今韓詩實無此首章時三家列於學官毛詩不得立故服以爲逸詩都人士正義文疏證一云蓋以非今博十所讀逢遜之處非不知出於毛詩也詳見疑傳

五
襄十
鴻子馮解叔敖從子

艾獮有從子曰子馮不詳其禰

春秋分記世譜七

屈到解屈蕩子

屈到楚卿屈蕩子子夕也

國語楚上注

公孫黑解子晳

子晳子駟子

杜氏世族譜

鄭人醢之三人也

正義

以文承司臣之下嫌其亦醢司臣故

言之三人

之猶是也言鄭遂醢是三人也讀之字爲句者非昭五年傳失之道也解同

姚鼐左傳補注

秋八月丁巳日有食之解八月無丁巳丁巳七月一日也日

月必有誤

癸卯歲

姜氏云七月丁巳朔食失閏也大衍同今歷推之是歲七

月丁巳朔加時在晝去交分二十六日三千三百九十四

分入食限

元史歷志二案程氏歷書三云姜岌謂其誤者五此其四也日食黃道井三度強

補釋十六